

Bodosa

22 August 2021

साहित्य अकाडेमिनि बान्जायनायाव दुलाराय भारत बर' लाइमोन लिरगिरि जथुम्मा खुंदो

कक्राझार, 21 आगस्ट: साहित्य अकाडेमिनि बान्जायनायाव वेबलाइन धुनलाइयारि फारिनि आवथायाव मैया 20 आगस्टखालि दुलाराय भारतनां बर' लिरगिरि जथुम्मा अनलाइन हावाफारिनि गेजेरजों खुंफुंनाय जायो। फुंनि 10.00

रिंगानिफ्राय जागायनाय बे सानसेनि हावाफारियाव मोनब्रे थाखोनि मेहेरगोनां जखन्थाय खुंजायो। सेथि बेखेवनाय हावाफारियाव बराय बिबुंधि लाखियो साहित्य अकाडेमिनि नेहाथारि ड० श्रीनिवास रावआ।

हावाफारिखौ बेखेवनानै होयो बर' धुनलाइ आफादनि आफादगिरि तरेन बर'आ। हावाफारिखौ मासिगिरि बिबान सामलायो साहित्य अकाडेमि बर' सुबुरुनारि आफादनि (□ 5 विलाइआव)

जथुमगिरि प्रफेसार अनिल बर'आ। बेखेवनाय फोरबोआव गाव-गावनि सुजुनाय खन्थाइ फरायथियो फारियै बरनालि बाग्लारि(कार्बि आंलं), बिजितगोरा रामसियारि(गौहाटी), इन्दुप्रभा बसुमतारि(गौहाटी), मनजु रानी दैमारि(बाक्सा), निउटन के बसुमतारि(मरिगाव) आरो तृप्ति बसुमतारि(झारखन्ड)मोनहा। जथुमाव बाहागो लानानै बर' धुनलाइ आफादनि आफादगिरि मुस्त्रि तरेन बर'आ बुडोदि- मोनसे हारिनि राव धुनलाइखौ जौगाखांहोनाया लाइमोनफोरनि बिबान। दिनैनि लाइमोनफोरनि सोरजिआ गोख्रों जायोब्लासो हारिनि राव धुनलाइयाबो गोख्रों जागोन आरो हारिनि जारिमिन सुजुनायाव गोख्रों बिफाव लानो हागोन। बेनिखायनो बर' लाइमोनफोराबो गुबुन गासैबो आयदाजों लोगोसे धुनलाइ सोरजिनाय आरो बिजाव सेबखांनायाव गोसो होनांगौ।

सेथि जथुम सुंद' सल' फरायनाय आयदायाव सुंद' सल' फरायथियो फारियै देरहासात गयारि(कक्राझार), दुलु रानी बर'(बाक्सा), रन्जय ब्रह्म(चिरां) आरो सेल्फ मेड रानी बर'(अदालगुरि) मोनहा। हावाफारिखौ मासिगिरि बिबान लानानै सामलायो साहित्य अकाडेमिनि बर' सुबुरुनारि आफादनि सोद्रोमा विश्वेस्वर बसुमतारिआ।

नैथि जखन्थाय सावरायथाय आयदायाव 'बुहुमलुर मुलुग आयदायाव बर' लाइमोनफोरनि रनसायनाय' बे आयदानि सायाव सावरायनाय जायो। बे आयदानि सायाव गाव-गावनि लिरबिदांखौ फरायथिनानै होयो अनिला स्वर्गियारि(गवालपारा), लव कुमार नार्जारि(कक्राझार), मदन नार्जारि(बाक्सा)आरो पुर्ण ब्रह्म(बाक्सा)। हावाफारिखौ मासि लानानै सामलायो साहित्य अकाडेमी लाइमोन बान्था मोनगिरि ड० रुजाव मोसाहारिया। जोबथा हावाफारि खन्थाइ फरायनाय आयदायाव खन्थाइ फरायथियो फारियै अजित बसुमतारि(चेन्नाइ), अन्जना देबी ऊपाध्याय(दिल्ली), अनन्त समप्रामारि(सोनाव बेंगल 5), बुद्धदेब नार्जारि(कक्राझार), दैजि मुसाहारि(चिरां), लव बसुमतारि(डिब्रुगड़), माइनावसि दैमारि(उदालगुरि), सनजिब बसुमतारि(लखिमपुर) आरो उपमा रानी दैमारि(बाक्सा)मोनहा। हावाफारिखौ मासिगिरि बिबान लानानै सामलायो साहित्य अकाडेमि लाइमोन बान्था-2011 मोनगिरि जैस्त्रि बर'आ। गासै हावाफारिखौ गाहाय सुंथागिरि महरै सामलायो साहित्य अकाडेमिनि हावाफारि मावख 'गिरि ड० मिहिर कुमार साहुआ। नोजोर होनो गोनांदि, बे जथुमाव भारतनि दाब दाब जायगायाव थानाय बर' लाइमोन लिरगिरिफोरा बाहागो लादोंमोन।□

Sanseyari Hayenni Radab 22 August 2021

साहित्य एकाडेमिनि बानजायनायाव दुलाराय भारत बर' लाइमोन लिरगिरि जथुम खुंदों

कक्राझार, 21 आगष्ट: साहित्य एकाडेमिनि बानजायनायाव वेबलाइन धुनलाइयारि फारिनि आवथायाव 20 आगष्ट 2021 खालि दुलाराय भारत नां बर' लिरगिरि जथुम्मा अनलाइन हाबाफारि खुंफुनाया जानाने थाडो। फुनि 10:00 रिगानिफ्राय जागायनाय बे सानसेनि हाबाफारियाव मोन 4 थाखोनि मेहेरगोनां जथनथाइ खुंजायो। 1 थि बेखेवनाय हाबाफारियाव बरय

बिबुंधि लाखियो साहित्य एकाडेमिनि नेहातारि ङ श्रीनिवास राव, हाबाफारिखौ बेखेवनाने होदोंमोन बर' धुनलाइनि आफादगिरि तरेन बर', हाबाफारिखौ मासिगिरि बिबान सामलायो साहित्य एकाडेमि बर' सुबुरुनारि आफादनि लिंथुमगिरि प्रपेसार अनिल बर'आ। बेखेवनाया फोरबोआव गाव गावनि सुजुनाय खन्थाइ फरायथियो फारियै- बर्नालि

बांग्लारि (काबिआंल), बिजितगोरा रामसियारि (गुवाहाटी), इन्दुप्रभा बसुमतारि (गुवाहाटी), मन्जु रानी दैमारि (बाक्सा), निउटन के बसुमतारि (मसिगाव) आगे तृप्टि बसुमतारि (झारकाण्ड)। बेखेवनाय जथुमआव गावनि बेखेवनाय बिबुंधियाव बर' धुनलाइ आफादनि आफादगिरि तरेन बर'आ बुडोदि मोनसे हारिनि राव धुनलाइखौ जौगाखां होनाया

लाइमोनफोरनि बिबान। दिनेनि लाइमोनफोरनि सोरजिया गोखों जायोब्लासो हारिनि राव धुनलाइआवो गोखों जागोन आगे हारिनि जारिमिन सुजुनायाव गोखों बिजाव लानो हागोन। बेनिखायनो बर' लाइमोनफोरबो गुबुन गासंबो आयदाजों लोगोसे धुनलाइ सोरजिनाय आगे बिजाव सेबखांनायाव गोसो होनांगौ। 1 थि जथुम सुंद' सल फरायनाय आयदायाव 47 थिलाइआव

समाज। साबयार जलन दमारआ।

साहित्य एकाडेमिनि बानजायनायाव दुलाराय भारत बर' लाइमोन लिरगिरि जथुम..

सुंद 'सल' फरायथियो फारियै- देरहासार गयारी(कक्राझार), दुलु रानी बर' (बाक्सा), रनजय ब्रह्म (चिरां) आगे सेल्फ मेत रानी बर'आ (इदालगुरि)। हाबाफारिखौ मासिगिरि बिबान लानाने सामलायो साहित्य एकाडेमिनि बर' सुबुरुनारि आफादनि सोद्रोमा बिसेसर ब सुमतारिया। 2 थि जखनथाइ सावरायथाय आयदायाव 'बुहुमलुर मुलुग आयदायाव बर' लाइमोनफोरनि रनसायनाय' बे आयदानि सायाव सावरायनाय जायो। बे आयदानि सायाव गावबागावनि लिरबिदांखौ फरायथिनाने होयो अनिला सर्गियारी (गवालपारा), लब कुमार नार्जारी (कक्राझार), मदन नार्जारी (बाक्सा) आगे पुर्न ब्रह्म (बाक्सा)। हाबाफारिखौ मासि लानाने सामलायो साहित्य एकाडेमि लाइमोन बान्था मोनगिरि ङ रुजाब मुसाहारिया। जोबथा हाबाफारि खन्थाइ फरायनाय आयदायाव खन्थाइ फरायथियो फारियै अजित बसुमतारि (चेन्नाइ), अन्जना देवी उप्पाधय (दिल्ली), अनन्त' समफ्रामारि (डिब्रगड़), माइनावस्त्रि दैमारि (उदालगुरि), सनजिब बसुमतारि (लक्षिमपुर) आगे उपमा रानी दैमारिया (बाक्सा)। हाबाफारिखौ मासिगिरि लानाने सामलायो साहित्य एकाडेमि लाइमोन बान्था 2011 मोनगिरि जैस्त्रि बर'आ। गासै हाबाफारिखौ गाहाय सुंथागिरि महरै सामलायो साहित्य एकाडेमिनि हाबाफारि मावख 'गिरि ङ मिहिर कुमार शाहआ। नोजोर होनो गोनांदि बे जथुमआव भारतनि दाब दाब जायगायाव थानाय बर' लाइमोन लिरगिरिफोर बाहागो लादोंमोन।